

ASO LUA, 20 TESEMA 2016

Na tauaofia le Fono Aoao Faitulafono i le itula e 9:00 i le taeao e tusa ai ma le Polokalame o Fonotaga a le Palemene 2016.

Na nofoia le Nofoa e le Fofoga Fetalai i le itula e 9:00 i le taeao.

Tatalo.

SAUNOAGA FAAFEILOAI A LE FOFOGA FETALAI

FOFOGA FETALAI: Ou te faasilasila atu ua amatalia nei Tualumaga ma galuega a le Fono Aoao Faitulafono.

E i ai le manatu o le a ou le toe tolovaeina le upega aua e le o nei a o le paia o le atunuu e ala i le Palemene ma lana Tafatolu o le Faigamalo. Taoto ia faamaene o tai loloto paia o lau Afioga i le Taitai o le Malo ma le Kapeneta faapea foi Minisita Lagolago ma sui usufono mamalu o le Palemene, ae tatou faamoemoe ia i le Atua ina ia manu faaifo mai le lagi le aso aua le tatou galuega.

1. MALELEGA MAI LE AO O LE MALO

Na fofogaina e le Fofoga Fetalai Malelega mai Lana Afioga Mamalu, O Le Ao o le Malo.

“TUSI mo:

Le Fofoga Fetalai:

E tusa ai ma le Mataupu 59 o le Faavae o le Malo Tutoatasi o Samoa, ua ou tuuina atu nei le maliaga i le Fono Aoao Faitulafono na te iloiloaina ai le Tulafono Tau Faaofi ua faalia iinei:

1. Tulafono Tau Faaofi o le Faatatauina o Tupe Faaopoopo (Nu. 1) 2016/2017.

TUUIINA ATU i lou nei Lima i lenei aso 16 Tesema 2016.

(Sainia): Tui Atua Tupua Tamasese Efi
OLE AO O LE MALO.

20 TESEMA 2016

Malelega mai Le Ao o le Malo

2. TUSI mo:

Le Fofoga Fetalai:

E tusa ai ma le Mataupu 59 o le Faavae o le Malo Tutoatasi o Samoa, ua ou tuuina atu nei le maliaga i le Fono Aoaio Faitulafono na te iloiloaina ai le Tulafono Tau Faaofi ua faaaliga iinei:

1. Tulafono Tau Faaofi o Teuteuga o le Tulafono o le Faasologa o Tiute 2016.

TUUIINA ATU i lou nei Lima i lenei aso 19 Tesema 2016.

(Sainia): Tui Atua Tupua Tamasese Efi
OLE AO O LE MALO.

FAAALIGA MAI LE TAITAI O LE MAOTA

E tusa ai ma le Tulafono Tumau 76 o le Palemene, ua tuuina atu nei le Faaaliga i le Fono Aoaio Faitulafono mo le iloiloaina o Tulafono Tau Faaofi ua faaaliga iinei:

1. Tulafono Tau Faaofi o Teuteuga o le Faavae 2016.
2. Tulafono Tau Faaofi o Teueuga o le Faavae (Nu. 2) 2016.
3. Tulafono Tau Faaofi o Teuteuga o le Tulafono o Galuega tau Leoleo 2016.

TUUIINA ATU i lenei aso 19 Tesema i le tausaga 2016.

(Sainia): Hon. TUILAEPA Auelua Fatialofa Lupesoliai
Lolofietele Aiono Neioti Galumalemana Dr. Sailele
Malielegaoi.
TAITAI O LE MAOTA.

20 TESEMA 2016

SAUNOAGA O MALIU

*Na faasilasila e le Fofoga Fetalai le tuumalo o le **Afioga Hon LEIATAUA Vaiao** sa avea ma sui usufono o le Palemene i Paeaiga ua mavae.*

*O le **Afioga Hon LEIATAUA Vaiao** na uluai filifilia mai ma avea ma sui usufono o le itumalo Faaalaalafaga o Aiga i le Tai i le Paeaiga Lona X 1988-1990. Na toe filifilia mai le **Afioga Hon LEIATAUA Vaiao** i le Paeaiga Lona XI 1991-1996.*

Sa avea ma Minisita o Galuega i le 1988. Sa toe avea ma Minisita o Faamasinoga i le tausaga 1989. Sa avea foi ma Failautusi Faapalemene i le Matagaluega o le Palemia i le 1991-1996.

*O le **Afioga Hon LEIATAUA Vaiao** sa avea ma sui usufono o le Komiti o Tulafono Tau Faaofi 1991-1996, ma o Ia o se Sui Taitaifono o le Komiti o Tulafono Tau Faaofi.*

*O le **Afioga Hon LEIATAUA Vaiao** o le sui o le Vaega Faaupufai e Puipuia Aia Tatau a Tagata po o le HRPP. Na tuumalo le **Afioga Hon LEIATAUA Vaiao** i le aso 28 Novema 2016.*

*Ia avea ia o lou leo faatauvaa e fai ai ma Sui o le Palemene e molimoli atu ai faamaisega ma faamafanafanaga i le nofo a alo ma le aiga alii aemaise o le itumalo pele ona o le toesea o le **Afioga Hon LEIATAUA Vaiao**.*

Na tutulai filemu le Maota mo le minute e tasi e faaalua ai lo latou faaaloalo mo le sui usufono ua tuumalo.

FAATAATIAINA O PEPA

Na faataatia e le Fofoga Fetalai i luga o le Laulau a Fono Pepa ua taua i lalo, e tusa ai ma le Mataupu 98(2) o le Faavae o le Malo Tutoatasi o Samoa.

1. P.P. 2016/2017 Nu. 134, Lipoti a le Ofisa Suetusi a Samoa e Uiga i Tulaga Faaletonu 2012-2013.
2. P.P. 2016/2017 Nu. 135, Lipoti a le Ofisa Suetusi a Samoa e Uiga i Tulaga Faaletonu 2013-2014.
3. P.P. 2016/2017 Nu. 136, Lipoti a le Ofisa Suetusi a Samoa e Uiga i Tulaga Faaletonu 2015-2016.
4. P.P. 2016/2017 Nu. 137, Lipoti i le Palemene o Galuega a le Ofisa Suetusi Iulai 2012-Iuni 2013.
5. P.P. 2016/2017 Nu. 138, Lipoti a le Suetusi Sili i le Fono Aoaofaitulafono i Luga o Galuega a le Ofisa Suetusi o Samoa 1 Iulai 2013-30 Iuni 2014.
6. P.P. 2016/2017 Nu. 139, Lipoti a le Ofisa Suetusi e Uiga i Tulaga Faaletonu 2014-2015.

TUUINA ATU O PEPA

Na tolaulauina e le Failautusi Pepa nei ua faataatia i luga o le Laulau a Fono, e tusa ai ma T.T.48.

1. S.R. 2016/6, Poloaiga o le Toe Fetuunaiga o le Faasologa o Tiute 2016.
2. S.R. 2016/9, Tulafono Faatonutonu o Teuteuga o Tulafono Faatonutonu o le Komisi o Galuega a le Malo 2015.
3. S.R. 2016/10, Tulafono Faatonutonu o le Tatalaina i Tua o Pagota i Faaiuga o Vaiaso 2016.
4. S.R. 2016/11, Tulafono Faatonutonu o Meatotino tau le Atamai 2015.
5. P.P. 2016/2017 Nu. 99, Lipoti o le Faiga Palota Aoa 2016, Ofisa o le Komesina o Faiga Palota.
6. P.P. 2016/2017 Nu. 100, Lipoti Faaletausaga a le Faalapotopotoga o Vaa a Samoa 2001-2011.
7. P.P. 2016/2017 Nu. 101, Lipoti Faaletausaga a le Faalapotopotoga o Vaa a Samoa 2012.
8. P.P. 2016/2017 Nu. 102, Lipoti Faaletausaga a le Faalapotopotoga o Vaa a Samoa 2013.
9. P.P. 2016/2017 Nu. 103, Lipoti Faaletausaga a le Faalapotopotoga o Vaa a Samoa 2014.
10. P.P. 2016/2017 Nu. 104, Lipoti Faaletausaga a le Faalapotopotoga o Vaa a Samoa 2015.
11. P.P. 2016/2017 Nu. 105, Tusi o Faamatalaga Taiala a le Pulega o Uafu ma Taulaga 2017-2020.
12. P.P. 2016/2017 Nu. 106, Fuafuaga Autasi a le Pulega o Uafu ma Taulaga 2017-2020.
13. P.P. 2016/2017 Nu. 107, Lipoti Faaletausaga a le Pulega o Tupe Faava o Malo a Samoa 2015.
14. P.P. 2016/2017 Nu. 108, Fuafuaga Autasi a le Ofisa o le Failautusi a le Fono Aoa o Faitulafono 2016-2018.
15. P.P. 2016/2017 Nu. 109, Lipoti a le Komisi o le Toefuataiga o Tulafono a Samoa i le Resitala mo le Au Solitulafono i Faiga Aiga, Lipoti Faai 16/16.
16. P.P. 2016/2017 Nu. 110, Lipoti Faaletausaga o le Penisione a le Palemene 2016.
17. P.P. 2016/2017 Nu. 111, Lipoti Faaletausaga a le Pulega o Uafu ma Taulaga 2014-2015.
18. P.P. 2016/2017 Nu. 112, Lipoti Faaletausaga a le Pulega o Uafu ma Taulaga 2014-2015.
19. P.P. 2016/2017 Nu. 133, Lipoti Faaletausaga Kamupani Vaalele Polenisia 2016.
20. P.P. 2016/2017 Nu. 140, Lipoti Faaletausaga a le Ofisa o le Failautusi o le Fono Aoa o Faitulafono mo tausaga faaletupe 2014-2016.
21. P.P. 2016/2017 Nu. 141, Lipoti Faaletausaga a le Ofisa o le Pule Faatonu aso 30 Iuni 2015.

20 TESEMA 2016

TUUIINA ATU O LIPOTI A KOMITI FAA-PALEMENE

FOFOGA FETALAI: A o le i tolaulauina e le Afioga i le Failautusi Lipoti a Komiti Faa-Palemene, ou te tapa lau Afioga i le Taitaifono o le Komiti Suesue Faapitoa Faa-Palemene mo Mataupu tau Faamasinoga o Fanua ma Suafa mo le faataatiaina o le Lipoti a la outou Komiti.

Tulai mai lau Afioga i le Taitaifono.

Tofa LOPAOO NATANIELU MUA (Taitaifono Komiti Suesue Faapitoa Faa-Palemene mo Mataupu tau Faamasinoga o Fanua ma Suafa): E faatalofa atu i lau Afioga i le Fofoga Fetalai i leni taeao fou, e faapea foi ona faatalofa atu i lau Afioga i le Palemia, Tamaitai Sui Palemia, le mamalu o le Kapeneta ma Minisita Lagolago, faapea foi sui usufono o le Maota nei.

Lau Afioga i le Fofoga Fetalai, ou te faataatia le Lipoti a le Komiti Suesue Faapitoa a le Faa-Palemene mo Mataupu tau Faamasinoga o Fanua ma Suafa, e tusa ai ma le faatonuga a le Fono Aoa.

Ae ou te le i nofo i lalo lau Afioga i le Fofoga Fetalai na ona ou fia faaogaina leni avanoa e faafetaia ai lau Afioga faapea foi le mamalu o le Maota nei i le lagolago, ae sili ona faafoi atu se matou faafetai. E avea ai au ma sui o le matou Komiti ia i latou sa lagolagosua i le galuega sa faia, le afioga i le Loia Sili, i lona sui o le tamaitai o Noumea Lorreta Teueli, o le Komesina o Sulufaiga le Afioga Maiava Iulai Toma, afioga Maualaivao Pepe Seiuli, le afioga i le Pule Sili o le Matagaluega o Faamasinoga ma lo latou ofisa, faapea foi le afioga i le Failautusi o le Fono Aoa Faitulafono ma lo latou ofisa, aua le galuega fita sa feagai e lagolagosua i leni Komiti, e faapena foi ona faafetai atu i sui uma o leni Komiti mo le galuega sa feagai ai. E momoli atu faamanuiaga a lou sui nei o le Komiti i le mamalu o le Maota nei i lau Afioga i le Palemia, le mamalu o le Kapeneta ma Minisita Lagolago, faapea sui usufono mamalu uma o le Palemene i se kerisimasi fiafia ma se tausaga fou manuia.

E faapena foi isi ou itumalo o Vaisigano Nu. 1, ia faamanuia le Atua i le sauni atu i le kerisimasi ma le tausaga fou, faafetai.

FOFOGA FETALAI: Malo faafetai. E tusa ai ma le lafo na faamaonia, o le a tuuina atu nei le Lipoti a le Komiti Suesue Faapitoa i le Lala o Faamasinoga mo sa latou tali. O lea tali, e ao ona tuuina mai i le Fono Aoa i le aso 24 Ianuari 2017 pe a toe tauaofia le Fono Aoa Faitulafono. O le atoaga lena o le faatonuga a le Fono Aoa na tuuina atu i le aso 27 Iuni 2016.

TUUIINA ATU O LIPOTI A KOMITI FAA-PALEMENE

Na tolaulauina e le Failautusi Lipoti a Komiti Faa-Palemene nei ua faataatia i luga o le Laulau a Fono e tusa ai ma T.T.51(5).

1. P.P. 2016/2017 Nu. 114, Lipoti a le Komiti Suesue Faa-Palemene mo Mataupu tau Faamasinoga o Fanua ma Suafa.

Tuuina atu o Lipoti a Komiti Faa-Palemene

2. P.P. 2016/2017 Nu. 115, Lipoti a le Komiti o le Vaega tau le Va Fealoai i le Tulafono Tau Faaofi o Tagata e Suesueina Mafuaaga Lilo o Malu 2016.
3. P.P. 2016/2017 Nu. 116, Lipoti a le Komiti o le Vaega tau le Va Fealoai i le Tulafono Tau Faaofi o Teuteuga o le Tulafono o Fono a Nuu 2016.
4. P.P. 2016/2017 Nu. 117, Lipoti a le Komiti o Tupe Maua ma Tupe Totogi i le P.P. 2016/2017 Nu. 62, Lipoti o Faamatalaga o Tupe a le Malo o Samoa mo le Tausaga faaiaina aso 30 Iuni 2015.
5. P.P. 2016/2017 Nu. 118, Lipoti a le Komiti o Tulafono Tumau, Mataupu tau Faiga Palota, Talosaga ma Tofiga Faale-Faavae i le P.P. 2016/2017 Nu. 43, Lipoti a le Ofisa o le Komesina o Sulufaiga o le Tulaga o Aia Tatau a Tagata Soifua ó Tagata e i ai Manaoga Faapitoa 2016.
6. P.P. 2016/2017 Nu. 119, Lipoti a le Komiti o Tulafono Tumau i le Lipoti o le Toefuataiga o Tulafono o Ava Malosi Aperila 2016, Lipoti 15/16.
7. P.P. 2016/2017 Nu. 120, Lipoti a le Komiti o le Vaega tau le Va Fealoai i le P.P. 2016/2017 Nu. 84, Faamatalaga o Sini Autu o le Fuafuaga Autasi a le Pulega o Faailoga ma Tusi Pasi Taualoa a Samoa 2017-2020.
8. P.P. 2016/2017 Nu. 121, Lipoti a le Komiti o le Vaega o Atinae Eseeese i le P.P. 2016/2017 Nu. 74, Lipoti Faaletausaga a le Pulega o Felauaiga i le Laueleele 30 Iuni 2015.
9. P.P. 2016/2017 Nu. 122, Lipoti a le Komiti o le Vaega o Atinae Eseeese i le P.P. 2016/2017 Nu. 77, Faamatalaga o Sini Autu o le Fuafuaga Autasi a le Faalapotopotoga o le Malosi Faaletise 2017-2020.
10. P.P. 2016/2017 Nu. 124, Lipoti a le Komiti o le Vaega tau le Tamaoaiga i le P.P. 2016/2017 Nu. 75, Faamatalaga o Sini Autu o le Fuafuaga Autasi a le Faalapotopotoga o Suesuega Faasaienisi a Samoa 2017-2020.
11. P.P. 2016/2017 Nu. 125, Lipoti a le Komiti o le Vaega tau le Tamaoaiga i le P.P. 2016/2017 Nu. 97, Faamatalaga o Sini Autu o le Fuafuaga Autasi a le Falemeli a Samoa 2017-2020.
12. P.P. 2016/2017 Nu. 126, Lipoti a le Komiti o le Vaega tau le Tamaoaiga i le P.P. 2016/2017 Nu. 73, Lipoti Faaletausaga a le Faalapotopotoga o Eleele a Samoa 2014-2015.
13. P.P. 2016/2017 Nu. 127, Lipoti a le Komiti o le Vaega tau le Tamaoaiga i le P.P. 2016/2017 Nu. 76, Lipoti Faaletausaga a le Ofisa o Fuainumera Faamauina a Samoa Iulai 2014-Iuni 2015.
14. P.P. 2016/2017 Nu. 128, Lipoti a le Komiti o le Vaega tau le Tamaoaiga i le S.R. 2016/8, Tulafono o le Pulega o Faigafaiva 2016 ó Faasilasilaga o le Amata Faamamaluina.

20 TESEMA 2016

Tuuina atu o Lipoti a Komiti Faa-Palemene

15. P.P. 2016/2017 Nu. 129, Lipoti a le Komiti o Tupe Maua ma Tupe Totogi i le P.P. 2016/2017 Nu. 79, Faamatalaga o Tupe a le Pulega o Petipetiga mo le Tausaga Faaiuina aso 30 Iuni 2015.
16. P.P. 2016/2017 Nu. 130, Lipoti a le Komiti o Tupe Maua ma Tupe Totogi i le P.P. 2016/2017 Nu. 80, Fuafuaga Autasi a le Matagaluega o Tupe 2016-2020.
17. P.P. 2016/2017 Nu. 131, Lipoti a le Komiti o Tupe Maua ma Tupe Totogi i le P.P. 2016/2017 Nu. 81, Faamatalaga o Sini Autu o le Fuafuaga Autasi a le Kamupani o Pulega a le Faaputugatupe Teufaafaigaluega o Mavaega Tausi a Samoa 2017-2020.
18. P.P. 2016/2017 Nu. 132, Lipoti a le Komiti o Tupe Maua ma Tupe Totogi i le P.P. 2016/2017 Nu. 82, Lipoti Faaletausaga a le Matagaluega o Tupe 2014-2015.

**LAFO A LE TAITAIFONO O LE KOMITI FAA-PALEMENE E TUSA
AI MA LE TULAFONO TUMAU 52**

FOFOGA FETALAI: Ou te tapa lau Afioga i le Taitaifono o le Komiti o le Vaega Tau le Tamaoaiga.

Tofa Hon LAUOFO FONOTOE PIERRE LAUOFO (Taitaifono Komiti o le Vaega Tau le Tamaoaiga): Lau Afioga i le Fofoga Fetalai ou te faatu le lafo, *Ina ia tuuina mai e le Fono Aoa se faatagaga e faaopoopo ai le taimi e iloiloina ai le Lipoti Faaletausaga a le Matagaluega o Faatoaga ma Faigafaiva 2014 lea sa tuuina mai i lenei Komiti ma lipoti mai ai i le Fono Aoa i le Fonotaga o Ianuari 2017.*

Faaluaina e le sui usufono mo Aleipata Itupa i Lalo, ma le sui usufono mo Palauli le Falefa.

Na faamaonia le lafo.

**TULAFONO TAU FAAOFI O LE FAATATAUINA O TUPE
FAAOPOOPO (NU. 1) 2016/2017 – faitauga muamua**

Afioga Hon SILI EPA TUIOTI (Minisita o Tupe): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o le Faatatauina o Tupe Faaopoopo (Nu. 1) 2016/2017 i lona faitauga muamua.*

Faaluaina e le Minisita mo Faamasinoga ma Pulega Tau Faamasinoga.

Na faamaonia le lafo ma faitauina le Tulafono Tau Faaofi i lona faitauga muamua.

20 TESEMA 2016**TALA FAATATAU FAAOPOOPO MUAMUA O LE TUPE 2016/2017
– faataatia i luga o le Laulau a Fono**

Na faataatia i luga o le Laulau a Fono e le Afioga Hon Sili Epa Tuioti, Minisita o Tupe le Tala Faatatau Faaopoopo Muamua o le Tupe 2016/2017.

**TULAFONO TAU FAAOFI O LE FAATATAUINA O TUPE
FAAPOOPO (NU. 1) 2016/2017 – lafo mo le faitauga faalua**

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faitauina le Tulafono Tau Faaofi o le Faatatauina o Tupe Faaopoopo (Nu. 1) 2016/2017 i lona faitauga faalua.*

Faalua e le Minisita mo Faamasinoga ma Pulega Tau Faamasinoga, ma le Minisita mo Tupe Maua.

**SAUNOAGA O LE TALA FAATATAU FAAOPOOPO MUAMUA O
LE TUPE 2016/2017**

Afioga Hon SILI EPA TUIOTI: Lau Afioga i le Fofoga Fetalai ma le mamalu o le Palemene, e ia te au le ava ma le faaaloalo tele, e avea ai au ma Sui o le Malo, e tuuina atu i luma o le Laulau a Fono a le Palemene le Tala Faatatau Faaopoopo Muamua o le Tupe 2016/2017.

Lau Afioga i le Fofoga Fetalai, o lenei Tala Faatatau Faaopoopo Muamua o le Tupe, o lo o fausia pea i luga o le sini autu ina ia o Faamalosi le Faavae ma Tapena mo a Taea. O le naunautaga lava o le Malo, ina ia faamauiina pea le vaai taulai mo tupe pau a le Malo i totonu o le 3.5% o le fua faatatau o le tamaoiga po o le GDP. O talosaga uma i lalo o lenei Tala Faaopoopo o le Tupe, ua mafai ona faatupe mai i le fetuunaiga o tupe faasao a Matagaluga e pei ona taua faatasi ai ma nisi o tupe maua faaopoopo ua mafai ona faamauiina.

O le tausaga faaletupe ua mavae nei i le 2015/2016, sa matauina ai le faatupulaia o le tamaoiga a le atunuu i le tusa ma le 5.2%, pe a faatusa i le tausaga 2014/2015. O lenei tulaga maua o le tamaoiga, sa uunaia lea e le vaega maoti o pisinisi ma fefaatauaiga, felauaiga, le gaosiaina o oloa, faatasi ai ma tagata tafafao maimoa mai fafo.

Ua maea foi faatauaia le iloiloga a le Matagaluga o Tupe i luga o le faatinoga o le Tala Faatatau Autu o le Tupe o le 2015/2016, ma ua atagia mai ai, sa mafai ona ausia le pasene o tupe pau a le Malo e tusa ma le 0.4% o le tamaoiga. Ua maea foi ona faatinoina se iloiloga i luga i le faatinoga i le Tala o le Tupe mo le kuata muamua o lenei tausaga ma o lo o faagasolo nei, ma ua faamauiina ai se pasene o tupe pau a le Malo, e tusa lea ma le 0.7% o le tamaoiga.

Lau Afioga i le Fofoga Fetalai, o tulaga nei o lo o atagia mai ai le faaauu pea o Matagaluga a le Malo, ma le faufautua pea o le Matagaluga o Tupe, ina ia mataituina lelei pea le faasoasoina tatau o tupe a le Malo o Samoa.

20 TESEMA 2016**Saunoaga o le Tala Faatatau Faaopoopo Muamua o le Tupe 2016/2017**

E faamoemoe o nei tulaga, o le a le tuua ai le faaauuina pea o le ave o le faamuamua i atinae a le Malo o lo o tele le sao i le atinaega o le soifua manuia o o tatou tagatanuu.

Tala Faatatau Faaopoopo Muamua o le Tupe:

Lau Afioga i le Fofoga Fetalai, o se oototoga lenei o vaega taua o lenei Tala Faatatau Faaopoopo Muamua o le Tupe mo le tausaga faaletupe 2016/2017.

O le aotelega o tupe alu faaopoopo ua mafai ona faatupeina i lalo o le **Tala Faaopoopo Muamua o le Tupe e tusa lea ma le \$12,288,936** e aofia ai ma lafoga ma o le tele o nei talosaga o le a faatupeina mai vaegatupe faasao ua mafai ona toe fetuunai faatasi ai ma nisi o tupe maua faaopoopo e pei ona auiliilina atu i lalo:

Aotelega o Tupe Maua:

O nisi o tupe maua faaopoopo ua mafai ona aoina mo le Tala Faaopoopo Muamua o le Tupe 2016/17 e aofia ai vaega nei:

- **\$148,140 mo le Matagaluega o Tupe Maua** e aofia mai i lafoga ma oloa ma auaunaga e tusa ai ma tupe alu faaopoopo ua toe faatalosagaina;
- **\$204,552 a le Matagaluega o Tupe** e afua mai i le totogiina o lisi tuua a le Matagaluega o Fesootaiga i le TATTE.

O le tele o talosaga tuuina mai a Matagaluega ua mafai ona faatupeina mai i le toe fetuunaiga o tupe faasao a le Malo e aofia ai vaega nei:

- **\$2,254,340 mai Tupe Alu Faaletulafono;**
 - \$1,352,866 ua tuuitiitia ai tupe faaagaga mo le totogiina o aitalafu i faletupe ma faalapotopotoga i atunuu i fafo (Principal on External Debt Servicing);
 - \$901,474 ua tuuitiitia ai tupe faaagaga mo le totogiina o tului mo aitalafu i faletupe i atunuu ma faalapotopotoga i atunuu o i fafo (Interests on External Debt Servicing);
- **\$2,600,000 mai i le Matagaluega o Tupe**
 - \$1,600,000 ua toesea mai tupe fua pau mo le saofaiga a le Malo i le Faletupe a le Lalolagi talu ai ua faamaonia faatoa toe faatalanoaina le moomia o nei vaegatupe ia Aokuso 2017;
 - \$1,000,000 ua tuuitiitia ai tupe faaagaga mo le inisiua o aseta tetele a le Malo e fua i le aotelega o tauofoga mo ia aseta ua maea ona pasia e le Kapeneta;
- **\$7,081,235 mai i le Matagaluega o Galuega Tetele ma Felauaiga**
 - \$39,100 tupe faasao mai lafoga i luga o le totogiina o lisi o le TATTE ua maea totogiina;

20 TESEMA 2016**Saunoaga o le Tala Faatatau Faaopoopo Muamua o le Tupe 2016/2017**

- \$48,000 o vaegatupe e avea ai ma sui o le Malo sa faaagaga mo le inisinia e fautuaina le fausia o fale ua fetuunai nei e ave i totonu o tala i le tupe a le vaega o lo o patino i ai lenei avanoa;
- \$7,000,000 mai vaegatupe sa fuafua mo le VAGST e totogi i le EPC ua fetuunai nei talu ai le fesuiaiga i lafoga lea ua leai ai se pasene o le lafoga VAGST i luga o le tau o le eletise.

Aotelega o Tupe Faaalu:

O lenei Tala Faatatau Faaopoopo Muamua o le Tupe 2016/17 o lo o lilifa i atinae ma polokalame faamuamua a le Malo aua lava le ausia o sini ma manulauti a Matagaluega taitasi faatasi ai ma taiala ua maea ona faamausaliina mo le atunuu.

O nei atinae ma polokalame e aofia ai tulaga nei:

- **\$7,000,000 mo Tupe Alu Faaletulafono**
 - \$5,000,000 faaopoopo mo tupe toe faaola i luga o lafoga mo oloa (VAGST refunds);
 - \$2,000,000 faaopoopo mo tupe toe faaola i luga o lafoga mo tupe maua.
 - \$274,134 mo le Ofisa o le Fono
 - \$30,908 e faatupe ai le Komiti Suesue a le Palemene;
 - \$39,100 mo polokalame faalauiloa i aoga tulaga muamua;
 - \$24,438 mo polokalame faalauiloa i Kolisi maualuga;
 - \$97,750 mo malaga fuafuaina o sui o le Palemene;
 - \$81,938 mo le konesale o lo o tusia le talaaga a le Palemene o Samoa.
- **\$709,885.00 mo le Matagaluega o Fesootaiga**
 - \$58,200 mo le saofaga a le Malo e avea ai ma sui o le Universal Postal Union Contribution;
 - \$201,435 pili tuua o le eletise mo pou o le SNBH;
 - \$215,050 aitalafu tuua mo le faaogaina o pou a le Digicel mo le SNBH;
 - \$235,200 pili tuua mo le lisi i le TATTE o lo o faaoga e le Matagaluega.
- **\$1,934,828 mo le Matagaluega o Aoga**
 - \$50,000 mo alauni o le Komiti Faufautua a Aoga;
 - \$500,000 tupe faaopoopo mo le vaega mulimuli o le siitaga o totogi a faiaoga;
 - \$840,078 mo penefiti o faiaoga ua faakonekarateina;
 - \$244,570 mo le totogiina o faamanuiaga ōlong serviceō a faiaoga;
 - \$300,000 mo le Iuni Lakapi (*Samoa Rugby Union*).

20 TESEMA 2016

Saunoaga o le Tala Faatatau Faaopoopo Muamua o le Tupe 2016/2017

- **\$225,000 mo le Matagaluega o Tupe**
 - \$25,000 mo le sao a le Malo i nisi o galuega a le *Customary Land Advisory Commission*;
 - \$50,000 mo vaegatupe faaopoopo o lo o moomia mo le sao a le Malo i le atinae o le *Apia Waterfront Development*;
 - \$150,000 mo vaegatupe faaopoopo o lo o moomia mo le sao a le Malo i le atinae o le *Enhanced Road Access Project*;

- **\$353,569.73 mo le Matagaluega o le Va-i-Fafo**
 - \$2,620 mo le saofaga a le Malo e avea ai ma sui i le *UN South-South Cooperation*;
 - \$18,566 mo le faaleleia ma le vaavaaia o fale i Ueligitone;
 - \$20,458.73 mo le lisiina o fale i Aukilani;
 - \$118,752 faaopoopo mo lisi o fale i Niu Ioka;
 - \$115,927 faaopoopo mo pili aoga o fanau a le afaigaluega o lo o tautuaina le ofisa o Samoa i Niu Ioka;
 - \$10,477 mo le faaleleia ma le vaavaaia o taavale i Niu Ioka;
 - \$26,192 mo le lisiina o meafale i Niu Ioka;
 - \$40,577 faaopoopo mo inisiua o tagata faigaluega o lo o tautuaina le ofisa o Samoa i Niu Ioka.

- **\$825,080 mo le Matagaluega o le Soifua Maloloina**
 - \$524,121 mo le faafaigaluegaina o tausii soifua ua iu aoga;
 - \$236,959 mo sikolasipi fou mo tausii soifua ma fomai;
 - \$64,000 mo alauni o le Komiti Faufautua o Soifua Maloloina.

- **\$233,962 mo le Matagaluega o Faamasinoga**
 - \$125,000 mo le poloketi e toe faaleleia ai ea malulu o le fale tutotonu mo faamasinoga;

- **\$161,440 mo le Matagaluega o Galuega Tetele ma Felauaiga**
 - \$88,000 mo le totoigiina o lisi o taavale moomia mo auunaga a le Matagaluega;
 - \$30,240 e faaatoa ai le totoigi mo se avanoa faigaluega fou mo se Loia a le Matagaluega;
 - \$34,560 e faaatoa ai le totoigi mo se inisinia mo auala savali ma alavai a le Matagaluega;
 - \$8,640 e faaatoa ai le totoigi mo se inisinia e fautuaina tulaga tau fale.

- **\$680,000.00 mo le Auunaga Faa-Soifua Maloloina**
 - \$680,000.00 e faaopoopo i tupe faaagaga mo le auina atu o gasegase mo togafitiga i atunuu i fafo.

20 TESEMA 2016**Saunoaga o le Tala Faatatau Faaopoopo Muamua o le Tupe 2016/2017****Upu Faaiu**

Lau Afioga i le Fofoga Fetalai ma le mamalu o le Fono, o se ootoga lena o vaega taua o leni Tala Faaopoopo Muamua o le Tupe ma o nei tupe faaalu uma ua ave i ai le faamuamua ina ia faaauau ai pea le faatinoga o auunaga masani a le Malo.

O le iloiloga ma le faavae o leni Tala Faaopoopo o Tupe o lo o faia i luga o le naunautaiga a le Malo ina ia faasoaso ma pulea lelei tupe faaalu aua le faaleleia o le auunaga mo le soifua manuia o o tatou tagata ma o leni foi Tala Faaopoopo o le Tupe e faailoa atu e 1 o suia ai le tulaga o le pasene o tupe pau a le Malo i le tamaoiga ma o lo o faatumauiina pea i le 3.5%.

Lau Afioga i le Fofoga Fetalai, faapea sui usufono o le Palemene, avea ia au e fai ma sui o le Malo, e momoli atu ai alofaaga ma faamanuiaga i lau Afioga i le Fofoga Fetalai, le mamalu o le Palemene aemaise le tapuaiga a Samoa, ina ia o tatou maua uma se Kerisimasi fiafia ma se Tausaga fou manuia.

Soifua.

FOFOGA FETALAI: Malo faafetai. E tusa ai ma le Tulafono Tumau 133, o le a tolopo felafolafoaiga i le Tulafono Tau Faaofi o le Faatatauina o Tupe Faaopoopo o Tupe Faaopoopo (Nu. 1) 2016/2017 e le itiiti ifo i le 14 aso, a o tuuina atu le Tala Faatatau Faaopoopo Muamua o le Tupe 2016/2017 mo le iloiloga a le Komiti o Tupe Maua ma Tupe Totogi, ma toe lipoti mai i le Fono Aoa.

TULAFONO TAU FAAOFI O TEUTEUGA O LE FAAVAE 2016

– faitauga muamua

Susuga Hon TUILAIPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI (Palemia): Lau Afioga i le Fofoga Fetalai, ou te tulai atu ma le agaga faaaloalo e faatu le lafo, *Ina ia faitauina nei le Tulafono Tau Faaofi o Teuteuga o le Faavae (Nu. 1) 2016 i lona faitauga muamua.*

Faaluaina e le Sui Palemia ma le Minisita mo Pisinisi, Alamanuia ma Leipa.

Na faamaonia le lafo ma faitauina le Tulafono Tau Faaofi o Teuteuga o le Faavae (Nu. 1) 2016 i lona faitauga muamua.

TULAFONO TAU FAAOFI O TEUTEUGA O LE FAAVAE

(NU. 2) 2016 - faitauga muamua

Susuga Hon TUILAIPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Faavae (Nu. 2) 2016 i lona faitauga muamua.*

20 TESEMA 2016

**Tulafono Tau Faaofi o Teuteuga o le Faavae (Nu. 2) 2016
- faitauga muamua**

Faaluaina e le Sui Palemia ma le Afioga i le Minisita mo Pisinisi Alamanuia ma Leipa.

Na faamaonia le lafo ma faitauina le Tulafono Tau Faaofi o Teuteuga o le Faavae (Nu. 2) 2016 i lona faitauga muamua.

**TULAFONO TAU FAAOFI O TEUTEUGA O LE TULAFONO O
GALUEGA TAU LEOLEO 2016 – faitauga muamua**

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Galuega tau Leoleo 2016 i lona faitauga muamua.*

Faaluaina e le Minisita mo le Soifua Maloloina ma le Minisita mo Pisinisi, Alamanuia ma Leipa.

Na faamaonia le lafo ma faitauina le Tulafono Tau Faaofi o Teuteuga o le Tulafono o Galuega tau Leoleo 2016 i lona faitauga muamua.

FOFOGA FETALAI: Ou te tapa le lafo e faataatiaese ai Tulafono Tumau. Tulai mai lau Afioga i le Palemia.

LAFO MO LE FAATAATIAESE O TULAFONO TUMAU 101(1)

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faataatiaese Tulafono Tumau 101(1) ina ia avanoa ai le faitauga faalua o le Tulafono Tau Faaofi o Teuteuga o le Tulafono o Galuega tau Leoleo 2016 ma le Tulafono Tau Faaofi o Teuteuga o le Tulafono o le Faasologa o Tiute 2016 i le aso fono lenei ma faagasolo atu ai loa i Komiti mo le iloilo.*

Faaluaina e le Sui Palemia ma le Minisita mo Pisinisi, Alamanuia ma Leipa.

Na faamaonia le lafo ma tulai ai Tulafono Tumau 101(1) ua faataatiaese.

20 TESEMA 2016

TULAFONO TAU FAAOFI O TEUTEUGA O LE TULAFONO O GALUEGA TAU LEOLEO 2016 – faitauga faalua

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Galuega tau Leoleo 2016 i lona faitauga faalua ma ou te fia tautala faamalamalama i ai.*

Faaluaina e le Minisita mo Pisinisi, Alamanuia ma Leipa ma le Minisita mo le Soifua Maloloina.

FOFOGA FETALAI: Ma ou te tapa lau Afioga i le Palemia mo lau saunoaga.

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Lau Afioga i le Fofoga Fetalai o le Tulafono Tau Faaofi puupuu lenei o lea sa faatalanoaina i feiloaiga foi a Matagaluega ma faapea foi ma sui usufono ina ia faamalamalama ai le agaga o le Tulafono. O le Tulafono Tau Faaofi la lenei, ua le o toe po malae, o le isi lea avanoa o lo o i ai nei e mafai ai ona toe teuteu le Tulafono lenei ina ia aua ne i toe toa le galuega a leoleo ae ia faagasolo pea. E pei ona silafia le Tulafono Tau Faaofi o lo o i ai nei, a le mafai ona faatinoina tiute tauave o le tofi o le Komesina po o le Komesina Fesoasoani, o lo o i ai isi tulaga faafaigata ona fai ai iuga e tatau ona fai se komisi suesue ma e ono umi o faagasolo ia se komisi suesue. E ui o se mataupu e faigofie e tatau ona vave fai i ai iuga a Kapeneta, fautuaina ai Le Ao o le Malo lea la e noatia i i, i le Tulafono o i ai nei ma o le agaga atoa a iai ia se tulaga e tulai mai e toa ai ia vave ona faatino ia faaiuga a le Kapeneta e le tau faatalia sei fai se komisi suesue e umi ai le taimi. Mo se faataitaiga, alu alu alu pe tulai mai ua faaletonu le mafaufau o le Komesina po o le Komesina Lagolago e leai lava se mea e mafai ai ona vave fai ai se iuga seiloga e mafai ona fai se komisi suesue, umi le taimi ae le tatau ona faatalia galuega a le Matagaluega o Leoleo. O le mafuaaga atoa lena o le teuteuga lenei lau Afioga.

FOFOGA FETALAI: Malo. Ia atonu o lea ua maitau atu ua manino ma malamalama le paia o le Palemene e tusa ai foi ma le galuega ananafi.

Tofa OLO FITI AFOA VAAI (Salega Sasae): Lau Afioga i le Fofoga Fetalai .

FOFOGA FETALAI: Ia se i tulai mai le sui usufono mo Salega Sasae.

Tofa OLO FITI AFOA VAAI: Faafetai i lau Afioga mo le avanoa. E puupuu le Tulafono Tau Faaofi, e puupuu foi se manatu o lenei itumalo lau Afioga.

20 TESEMA 2016

**Tulafono Tau Faaofi o Teuteuga o le Tulafono o Galuega Tau Leoleo
2016 – faitauga faalua**

Ae o le tulai atu ma le agaga faaaloalo e lagolagoina le Tulafono Tau Faaofi puupuu, a o le taua o le vaega lea o le faapuupuu ai o le process i le faiga o mea faavavave faapenei aemaise lava le Tulafono Tau Faaofi lea a Leoleo aua e talitonu lau Afioga i le Fofoga Fetalai, e leai lava se isi e faasoosoa ia vaega, o le Kapeneta lava ma le tatou Faigamalo ona e nafa ma i latou. Ae i ai lava la si mea faaopopo lea lau Afioga ona o le tulaga e le i mamao atu foi le isi Komesina sa faatino ai le vaega lea o le ave i ai o faamanuiaga i le taimi e faamalolo le tumau ai, ia ona saili lea po o fea le sao o le itu e sao, a o le tulaga lea na aliae mai sa faaletonu le itu lena a le Komesina muamua a ua alu tupe a le Malo i le ave i ai o le taavale ma totogi i le vaitaimi e faamalolo ai. Pe le mafai ona taofi lena vaega lau Afioga i le Fofoga Fetalai.

Lua (2) pe aisea ua le faia ai foi lea vaega i le tele foi o Matagaluega a le Malo ona o le tulaga lava lea o le faavave ona foia ni faafitauli i le feagai ai o Matagaluega ma le atunuu i tulaga o le fesoasoani i le atunuu.

Ma le vaega mulimuli o le tatou National Prosecution Office, po o le a le tulaga ua i ai le vaega lea ona o lea ua matua faatumaoti i le tulaga na i ai ae pei e foliga mai o lea o le a toe faafoi i lalo o le Loia Sili, le Ofisa o le Loia Silií

E pei o nai mea na o lea e...

FOFOGA FETALAI: Ia ou te faamalulu atu i le sui usufono mamalu ona o lea e i ai le isi vaega lea e mulimuli mai e fitoitonu i le tulaga lena.

Tofa OLO FITI AFOA VAAI: E aoga foi le avatu i i lau Afioga i le Fofoga Fetalai ou te le toe tulai atu ai. Ma le agaga faaaloalo faafetai.

FOFOGA FETALAI: O lea la ua uma ai lou taimi i lenei aso.

Ia ou te tapa lau Afioga i le Palemia, tulai maia. Malie lau Afioga i le Palemia se i faamotu mai lava le itu lea ona e saunoa ai loa leaf .

Ia tulai mai le sui usufono mo Falealupo.

Afioga Hon AEAU PENIAMINA LEAVASEETA: Faafetai mo le avanoa i lau Afioga. Leai o se... ou te tulai atu pei e i ai lava se fuaitau lea ua ou le maua lelei i le saunoaga a le Afioga i le Palemia i tulaga foi ia e faatea ai le Komesina pe aí po o lau maua atu e faapea lau saunoaga vagana o au ua leaga le ulu ona faatea loa lea e faale-maua lelei po o ai e faia le iuga o le mea lenei? Pe fai e le Komesinaí I mean leí o ai e faia le iuga?

Se e tau le maua lelei atu.

FOFOGA FETALAI: Ia, tulai mai lau Afioga i le Palemia.

**Tulafono Tau Faaofi o Teuteuga o le Tulafono o Galuega Tau Leoleo
2016 – faitauga faalua**

Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA DR. SAILELE MALIELEGAOI: Ou te fautuaina le sui usufono e te agai nei i le aoauli i uta i le falemai e siaki ou taliga, ou te iloaina lava e tele le faaletonu a faaletonu foi o le a ou fesoasoani atu i ai mo le faalelei atoatoa. Ae o le tulaga lea, lea sa laga so o se faaletonu lava e tulai mai, o le tasi lena faaletonu. A alu alu pe mai i se ituaiga mai foi lele ua le tataua ona toe faaauau, po o se tulaga foi lele ua faaletonu le mafaufau, o le upu la lea o le faaletonu o le mafaufau e aafia ai uma ai lava tofiga uma e le faapitoa i se tasi, ia po o nisi foi amioga piopio e fai i totonu o le Matagaluega, o mea uma lava na e lavea uma lava i suiga ia.

Sa laga le mataupu lea i faamanuiaga, e sao le taofi lea foi ua uma ona address e le Kapeneta le tulaga lea ina ia faatino ai se faiga faavae e suia ai le mea lea ona umi lava faaleiloga ona ia o isi e atoa le fia tausaga o la e lava e le i faia ni iuga a o la e fealuai i le taavale a le Malo. O lea la ua uma ona toe teuteu foi ia le vaega lena o le a sui uma itu ia.

E i ai le isi mataupu lea sa aumai po o le a le mea ua faia ai na o le Ofisa o Leoleo. O le mea moni e na o le Ofisa o Leoleo lea e tupu ai le mea lea, Matagaluega o Leoleo, Matagaluega o Falepuipui, ia ma le tamai Matagaluega fou lea o moliaga e peiseai na o latou lava ia lea na tuu i ai le power lea, lea la ua toe faafoi e faatutusa uma ai lava Matagaluega. E leai se mea faapitoa e toe faia faapea, atonu o le tuuga foi lena o le power faapitoa lena, e lelei le agaga na fai ai ae lea la ua aliali mai ua faaoga sese le power ae sa lelei lava le agaga na fai ai foi lea i le tulaga i le assumption o tagata o le a ou tofia i mea ia e i ai le tofamamao, ae te i uaí .tasi lenei mea e fesoasoani i le gasegase lea o lo o i ai nei.

Ia ma le vaega tonu lava lea, tumaotií vaega iaí E pei lava o lea ua uma ona tali uma atu ia mataupu ia ae taua mataupu sa laga mai, ae tele lava o taimi e tatou te agai ai i o reforms, i tulaga foi lea o teuga eseese e faagasolo ai galuega ina ia agai i luma galuega aemaise o mataupu nei e lotea i le tele o talanoaga faava o Malo e fai e aafia i lalo o le tauga lautele o le good governance. E i ai la atunuu e foliga mai e faigofie ona faatino ai ina e i ai atunuu e le faigofie ona faatino ai. E pei la o tulaga la lena, a tatou faataitai atu se mea ae tatou vaai atu e le talafeagai e leai se mea o le a faaauau ai pea ae tataua loa ona fesui ai kia e toe faafoi mai i le mea sa i ai. O le soifuaga lenei tatou te i ai, o le tele o taimi e 100% mafaufau o tagata, ae a oo loa i le taimi e faatino ai matua ese mamao lava le mea na mafaufauina ma le faatinoga.

Se i fai atu sina faataitaiga, faatoa tulai mai o le vaega nei na molia ai le tele o Sui i le tulaga foi lele ua maua latou palota ua aumai tagata foi ia ua feoti. E sue atu tagata ua feoti a la ua toe palota ua toe feola. Ia ona fai ai lea o le faaiuga, o le a fai se faiga, ia aua ai nei toe palota tagata ua feoti. Ma o le faiga faavae la lea na faatu loa e le Malo, i le vaitaimi lea o le 1982 i le 1985, o le fai loa o tatou IDs e aunoa ma le iloa o le mea o le a tupu. O le a faaoga IDs nei o le aupalota, e sasa ai sui faatutu e le toe omai ae na o le nofonofo ma faatalitali e o atu foi lele e talau mai.

*20 TESEMA 2016***Tulafono Tau Faaofi o Teuteuga o le Tulafono o Galuega Tau Leoleo
2016 – faitauga faalua**

E i ai la suiga lelei mafaufauga e 100% ae oo i le taimi e faatino ai, e tatou te le iloa, e i ai foi tagata la e pei o le latou lea matafaioi, o le tilotilo masae, o le mea e talepe ai se Tulafono. E faapena la i le lalolagi lea tatou te i ai, leaga o lea e tupu lua lava le saito ma le titania. Lau Afioga i le Fofoga Fetalai, ia o le faamalamalama lena.

FOFOGA FETALAI: Malo faafetai, o le fesili po o le a...

Tofa Lealailepule Rimoni Aiafi (Faleata Sisifo): Lau Afioga i le Fofoga Fetalai...

FOFOGA FETALAI: Ia se i tuu atu le avanoa i le sui usufono lea mo Faleata Sasae.

Tofa Lealailepule Rimoni Aiafi: O Faleata Sisifo lau Afioga.

FOFOGA FETALAI: Ia Sisifo faamolemole tulai mai le sui usufono mo Faleata Sisifo.

Tofa Lealailepule Rimoni Aiafi: Sa fia fai se manatu foi i le Tulafono Tau Faaofi ona o le taua o le Tulafono ae pei e foliga mai o lea ua tali le Afioga i le Minisita, po o le sao lea?

FOFOGA FETALAI: O le tulaga lena ona o lea ua maitau atu ua leai se sui usufono o tulai mai. Ia o lea la ua lafo i le Malo e saunoa mai. Ae ona o le avafatafata i le nofoa, o lea ua toe tuu atu ai le avanoa, ia ae faapuupuu mai lau Afioga i le sui usufono mamalu.

Tofa Lealailepule Rimoni Aiafi: Ou te alofa foi isi toeaina i le aumai o le Tulafono Tau Faaofi ae le fai ai ni o tatou manatu, nei te i ua faapea ua o tatou le amanaia. Ae o le Tulafono Tau Faaofi sa tataua ona... ae le afaina, ia, se i uma ona fai atu lea o sou manatu i se isi taimi, ma le faaaloalo lava.

Afioga Faumuina Asi Pauli Wayne Fong (Nuu Tu Taulaga i Sisifo): Lau Afioga i le Fofoga Fetalai...

FOFOGA FETALAI: Ia tulai mai le sui usufono o le Nuu Tu Taulaga i Sisifo

Afioga FAUMUINA ASI PAULI WAYNE FONG: Ia faafetai lava mo le avanoa, leai e puupuu lava si au fesili. O lea ua maitau atu ua taatia le Tulafono Tau Faaofi, e lagolagoina foi e lou nei sui usufono ma lenei itumalo le Tulafono Tau Faaofi ua faataatia mai. Ae tasi lava si au fesili faamolemole lau Afioga i le Palemia, aua ou te iloa o le Minisita foi lea o le Ofisa o Leoleo. E le o i ai se malosi o le Minisita i se taimi, pe a avea se isi tagata fou e fai ma Minisita o Leoleo, e fai se faaiuga i tulaga nei.

20 TESEMA 2016

**Tulafono Tau Faaofi o Teuteuga o le Tulafono o Galuega Tau Leoleo
2016 – faitauga faalua**

O lea ua foliga mai o le Afioga i le Palemia ia faapea foi ma le Kapeneta o latou o le a faia le faaiuga lenei. Ia ona fesili ai lea, po o le a la le aoga o le Minisita i se taimi o i luma, i te i ua alu alu lilifa le mafaufau o le Afioga i le Palemia, o au e avea ma Minisita o Leoleo i se taimi, ia ae leai sau mea e mafai ona fai. Ma le faaaloalo lava faafetai.

FOFOGA FETALAI: Ia o lea ua maua atu. Ia se i tulai mai le Afioga i le Palemia.

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Ia o so o se mataupu lava e fai e le Kapeneta, e ono aafia ai se soifua galue o se isi, e agai i Le Ao o le Malo, e le faia e se Minisita. E avatu e le Minisita i totonu o le Kapeneta, fai i ai le iuga ona alu loa lea i uta i Le Ao o le Malo. A silasila la i ai, o le tofiga o le tofiga a Le Ao o le Malo ae fai la e le Kapeneta ia le fautuaga.

O le mea lona lua, o le mafuaaga lena lea e faaalu ai le Tulafono Tau Faaofi i o i le Komiti, ina ia avanoa ai le toatele e o i ai.

O le mea lona tolu, o le Itu lenei, o le Itu a le Malo, a o le Itu lena, o le Itu e agaia le Malo. O lau fautuaga la i le Itu lea, aua ne i outou toe fesili. A fia lauga le tagata, lauga ane i lana ia Minisita, i tua, ae ona o lea e tau faatonutonu atu. O le Itu lenei, o le Itu faale-Malo, ae o le Itu lena, o le Itu faa-Agai, e agaia maia ia matou. E ala la ona ou taua atu le mea, ia malamalama lelei i ai ia Aeau, ona o lea e confuse atoa i ai ia Aeau. Ia lau Afioga i le Fofoga Fetalai o le faapuupuuga lena.

FOFOGA FETALAI: Malo faafetai.

Tofa OLO FITI AFOA VAAI: Lau Afioga i le Fofoga Fetalai, e faamalulu atu ona na tuu atu le avanoa i nai sui usufono sa tulai atu, ae sa i ai le mea sa ou fia faasaoa o le saunoaga o le tali mai a le Afioga i le Palemia. Pe mafai ona faaauau, o mea ia o FK ia lau Afioga, i le taimi foi lea na te tuua ai. Manaia pe ana fai foi lele faaumi le FK Faaiuga Kapeneta. Ia ae o FK ia e le atoa se itula ae toe sui, ia o lea ua matou mafaufau o le faaiuga a Kuikama, a o avea le Afioga i le Minisita o le Soifua Maloloina ma Acting Prime Minister. Ia o le mea lena lea ua tau faa...

FOFOGA FETALAI: Ia o lea ua maua atu. Se i tulai atu le Palemia e...

Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi: Lau Afioga i le Fofoga Fetalai, ia o lea foi o le a ou toe fesoasoani atu i le... e le i Kapeneta le sui usufono lea. E aoga foi la ia lou tulai atu, e i ai faaiuga e faa-24 itula i lalo o le Faavae.

20 TESEMA 2016

**Tulafono Tau Faaofi o Teuteuga o le Tulafono o Galuega Tau Leoleo
2016 – faitauga faalua**

E 24 itula o le tulaga lava ia a fai le iuga, ae faatoa faamaonia i le isi vaiaso. Ae i ai la ia mea faavavevave urgent, ona faa-24 loa lea o itula. E uma loa sau loa le... ae a sau loa la, e i ai la se Vaega foi lea ua toe fono ae i le isi vaiaso ae i ai se mea ua pau, ona toe sau ai loa lea o le FK teuteu.

Ia tai pei la o tatou Tulafono, a sau loa le teuteu, e teuteu atoa atu lava ma mea tuanai atu. E leai se fesiligia e le o se mea fou o mea tuai lava, pau lava le mea fou, e te le i Minisita.

FOFOGA FETALAI: Malo faafetai.

Na faamaonia le lafo ma faitauina le Tulafono Tau Faaofi o Teuteuga o le Tulafono o Galuega Tau Leoleo 2016 i lona faitauga faalua.

FOFOGA FETALAI: E tusa ai ma Tulafono Tumau o le a tuuina atu le Tulafono Tau Faaofi i le Komiti o le Vaega tau i le Va Fealoai mo le iloiloina ma toe lipoti mai i le Fono Aoao i le Fonotaga o lumanai.

Ia o le Vaega tonu lea sa taua e le Afioga i le Palemia o le a see atu le Tulafono i le Komiti ona maua lea o nisi avanoa se tele o sui usufono.

**TULAFONO TAU FAAOFI O TEUTEUGA O LE TULAFONO O LE
FAASOLOGA O TIUTE 2016 – faitauga muamua**

Afioga Hon TIALAVEA FEA LENIU TIONISIO HUNT (Minisita mo Tupe Maua): Lau Afioga i le Fofoga Fetalai ou te tulai atu e faatu le lafo, Ina ia faitauina nei le Tulafono Tau Faaofi o Teuteuga o le Tulafono o le Faasologa o Tiute 2016 i lona faitauga muamua.

Faaluaina e le Minisita mo Faatoaga ma Faigafaiva ma le Minisita o Tupe.

Na faamaonia le lafo ma faitauina le Tulafono Tau Faaofi o Teuteuga o le Tulafono o le Faasologa o Tiute 2016 i lona faitauga muamua.

**TULAFONO TAU FAAOFI O TEUTEUGA O LE TULAFONO O LE
FAASOLOGA O TIUTE 2016 – faitauga faalua**

FOFOGA FETALAI: Talu ai ua faamaonia le lafo mo le Tulaga Faanatinati o lenei Tulafono Tau Faaofi, o lea o le a sagai atu loa mo le faitauga faalua i le paia o le Palemene.

Ou te tapa lau Afioga i le Minisita mo Tupe Maua.

20 TESEMA 2016**Tulafono Tau Faaofi o Teuteuga o le Tulafono o le Faasologa o Tiute
2016 – faitauga faalua**

Afioga Hon TIALAVEA FEA LENIU TIONISIO HUNT: Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faasologa o Tiute 2016 i lona faitauga faalua ma ou te fia tautala faamalamalama i ai.*

Faaluaina e le Minisita mo Faatoaga ma le Minisita o Tupe.

FOFOGA FETALAI: Ia o le avanoa lenei ou te tapa ai ma le faaaloalo lau Afioga i le Minisita o Tupe Maua, e te tulai mai e te saunoa.

Afioga Hon TIALAVEA FEA LENIU TIONISIO: Lau Afioga i le Fofoga Fetalai, o le Tulafono lea, e le o se Tulafono e tele tele. Na o le teuteuga o le Vaega o le Tulafono Autu Tiute 1975, ona o le Tulafono lea Autu o Tiute ona e leai se tariff i lalo e avanoa ai taavale nei e faaaogaina le malosiaga fou lenei o le renewable energy e pei o maa taavale. O isi taavale e fefiloi mai le maa ma penisini, e le o mafai la ona e leai se tariff i lalo o le mafai ona tuu i ai. O lea ua sui ai le Tulafono lea ma o lo o avea le faamama avega a le Matagaluega ina ia mafai ona toatele nisi o le atunuu aemaise foi nisi o taumafai e aumai nei ituaiga taavale i totonu o le atunuu. Ua ave i ai na o le 5% tiute o taavale nei lau Afioga i le Fofoga Fetalai. Ia pei o se faamalamalamaga lena o le Tulafono e sui ai le fuaiupu e 120 fou o le Tulafono Faavae o le 1975 lau Afioga.

FOFOGA FETALAI: Faafetai

Na faamaonia le lafo ma faitauina le Tulafono Tau Faaofi o Teuteuga o le Tulafono o le Faasologa o Tiute 2016 i lona faitauga faalua.

FOFOGA FETALAI: E tusa ai ma Tulafono Tumau o le a tuuina atu le Tulafono Tau Faaofi i le Vaega o Komiti o Tupe Maua ma Tupe Totogi, mo le iloiloaina ma toe lipoti mai i le Fono Aoao i se Fonotaga o lumanai.

**TULAFONO TAU FAAOFI O TAGATA E SUESUEINA MAFUAAGA
LILU O MALIU 2016 – iloiloga auiliili**

FOFOGA FETALAI: E tusa ai ma le Tulafono Tumau 107 e tataua ona faamaonia muamua e le Fono Aoao le lipoti a le Komiti i le Tulafono Tau Faaofi ona avanoa ai lea o le iloiloga auiliili o le Tulafono Tau Faaofi.

Tulai mai lau Afioga i le Taitaifono o le Komiti tau i le Vaega tau le Va Fealoai.

20 TESEMA 2016**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

Afioga LEAANA RONNIE POSINI (Sui Taitaifono, Komiti o le Vaega tau le Va Fealoi): Lau Afioga i le Fofoga Fetalai, ou te faatu le lafo, *Ina ia faamaonia e leni Fono Aoa le lipoti a le Komiti o lo o tuuina atu ai ma ana fautuaga ia faagasolo le Tulafono Tau Faaofi o Tagata e Suesueina Mafuaaga Lilo o Malii 2016 faatasi ai ma faasaoga, ma le faaaloalo lava.*

Faaluaina e le sui usufono mo Falealili Sasae.

Na faamaonia le lafo.

FOFOGA FETALAI: E tusa ai ma Tulafono Tumau e amata le iloiloga auiliili o le Tulafono Tau Faaofi i le Fuaiupu 2.

FUAIUPU 2: Faamatalaina o uiga o upu.

Faamaonia.

FUAIUPU 3: Tofiaina o tagata e suesueina mafuaaga lilo o malii.

Faamaonia .

FUAIUPU 4: Tulaga agavaa.

Faamaonia.

FUAIUPU 5: Vaitaimi i le tofi.

Faamaonia.

FUAIUPU 6: Tautoga o le tofi.

Faamaonia.

FUAIUPU 7: Totogi ma alauni.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Maliu 2016
– iloiloga auiliili**

FUAIUPU 8: Faamavae ma le aveeseina mai le tofi.

Faamaonia.

FUAIUPU 9: Avanoa o le tofi.

Faamaonia.

FUAIUPU 10: Galuega tauave.

Faamaonia.

FUAIUPU 11: Tulaga aloaia ma isi malosiaga.

Faamaonia.

FUAIUPU 12: Lipotia o maliu.

Faamaonia.

FUAIUPU 13: Aia tatau i puipuiga faapitoa o tino maliu.

Faamaonia.

FUAIUPU 14: Faatonuga mo le aveeseina o le tino maliu.

Faamaonia.

FUAIUPU 15: Aia tatau a le aiga.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 16: Malosiaga e faatonu ai le faia o se taotoga e suesueina ai mafuaaga lilo o malii.

Faamaonia.

FUAIUPU 17: Lipoti a le fomai.

Faamaonia.

FUAIUPU 18: O i latou e mafai ona auai i taotoga e suesue ai mafuaaga lilo o malii.

Faamaonia.

FUAIUPU 19: E mafai e le Faamasinoga Sili ona poloaia le faia o se taotoga e suesue ai mafuaaga lilo o le malii.

Faamaonia.

FUAIUPU 20: Faamatuu atu o le tino malii.

Faamaonia.

FUAIUPU 21: Tapulaa o le faamatuu atu o tino malii pe afai e le o faatonuina ni taotoga e suesue ai mafuaaga lilo o malii.

Faamaonia.

FUAIUPU 22: Tapulaa e uiga i le faamatuu atu o le tino malii pe afai e ao ona taofia ni vaega o le tino po o vaega faataitai.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malu 2016
– iloiloga auiliili**

**FUAIUPU 23: Faamatuu atu o le tino malu o se tamaititi e fanau mai
ua malu.**

Faamaonia.

FUAIUPU 24: Vaega o le tino malu ma vaega faataitai.

Faamaonia.

**FUAIUPU 25: Taofia o vaega o le tino ma vaega faataitai i le taimi e
faamatuu atu ai le tino malu.**

Faamaonia.

FUAIUPU 26: Faamoemoega.

Faamaonia.

FUAIUPU 27: Manatu faaalua feteeai.

Faamaonia.

**FUAIUPU 28: E amataina e se tagata suesue o mafuaaga lilo o malu le
saililiga.**

Faamaonia.

**FUAIUPU 29: E aafia ona filifili le tagata suesue o mafuaaga lilo o
malu, ina ia aua ne i faia ni saililiga.**

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 30: Tualumaga pe afai ua molia se tagata i se soligatulafono.

Faamaonia.

FUAIUPU 31: O isi suesuega.

Faamaonia.

FUAIUPU 32: E mafai e le tagata suesue o mafuaaga lilo o malii ona filifili ona ia aua nei faia pe toe faaauauina le sailiiliga.

Faamaonia.

FUAIUPU 33: Tapulaa o le faailoa faalauaitete o auiliiliga o se malii na faatino e le tagata lava ia.

Faamaonia.

FUAIUPU 34: E mafai e le tagata suesue o mafuaaga lilo o malii ona faasaina le faailoa faalauaitete atu o faamatalaga molimau ua tuuina atu i so o se vaega o tualumaga o sailiiliga.

Faamaonia.

FUAIUPU 35: Iloiloga o le faaiuga a le tagata suesue o mafuaaga lilo o malii e tusa ai ma le faailoa faalauaitete atu o auiliiliga, faamatalaga molimau, ma isi tulaga faapena.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 36: O tagata e tuuina atu faamatalaga molimau ia e ao ona fofogaina faalauaitele.

Faamaonia.

FUAIUPU 37: Suesuega i luga o pepa ma saililiga a faamasino.

Faamaonia.

FUAIUPU 38: Puipuiga mo tagata molimau ma loia.

Faamaonia.

FUAIUPU 39: Taliaina ma le faamaoniga o faamatalaga molimau.

Faamaonia.

FUAIUPU 40: Faauga e faia ai suesuega.

Faamaonia.

FUAIUPU 41: Aso, ma isi tulaga faapena, ma faasilasilaga o suesuega.

Faamaonia.

FUAIUPU 42: E masani lava ona faia suesuega i luma na o le tagata e suesueina mafuaaga lilo o malii.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 43: E i ai faatasi ma faufautua poto faapitoa e fesoasoani i tagata e suesueina mafuaaga lilo o malii.

Faamaonia.

FUAIUPU 44: Suesuega fai faatasi.

Faamaonia.

FUAIUPU 45: O suesuega e masani ona faia faalauaitete.

Faamaonia.

FUAIUPU 46: E mafai e le tagata e suesueina mafuaaga lilo o malii ona ia auina ese se tagata mai le suesuega.

Faamaonia.

FUAIUPU 47: E mafai e le tagata e suesueina mafuaaga lilo o malii ona ia auina ese se tagata molimau seia vagana ai ua oo i le taimi e tuuina atu ai ana faamatalaga molimau.

Faamaonia.

FUAIUPU 48: Faamatalaga molimau.

Faamaonia.

FUAIUPU 49: O isi tagata e mafai ona suesueina e ala i fesili i le taimi o suesuega.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Maliu 2016
– iloiloga auiliili**

FUAIUPU 50: O faamatalaga molimau tusitusia ua faamaonia e le tagata molimau.

Faamaonia.

FUAIUPU 51: O faamatalaga molimau e faia i se nofoaga e mamao mai le nofoaga o faia ai suesuega, mo faamoemoega o le suesuega.

Faamaonia.

FUAIUPU 52: E ao ona silasila i le tino maliu a o le i maea nisi sailiiliga.

Faamaonia.

FUAIUPU 53: Tusi faamaonia lē tumau o sailiiliga.

Faamaonia.

FUAIUPU 54: Tusi faamaonia mausali o sailiiliga.

Faamaonia.

FUAIUPU 55: O sailiiliga e faataunuu pe afai ua lē faia po o ua teena e le tagata e suesueina mafuaaga lilo o maliu le amataina o se sailiiliga.

Faamaonia.

FUAIUPU 56: Sailiiliga e faia pe afai ua maua nisi mea moni fou.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 57: O sailiiliga faaopoopo pe afai e lava atoatoa mafuaaga.

Faamaonia.

FUAIUPU 58: Faatinoina o malosiaga i lalo o le fuaiupu 55 e oo atu i le 57.

Faamaonia.

FUAIUPU 59: Faiga e faatino ai ma le faaoina atu o poloaiga i lalo o le fuaiupu 55 e oo atu i le 57.

Faamaonia.

FUAIUPU 60: Tualumaga e faia i sailiiliga ua poloaia le faia i lalo o le fuaiupu 55 e oo atu i le 57.

Faamaonia.

FUAIUPU 61: E fesoasoani leoleo i suesuega a le tagata e suesueina mafuaaga lilo o malii ma isi tulaga faapena.

FOFOGA FETALAI: O lo o i ai le Teuteuga a le Komiti i le fuaiupu 61 e pei ona faaalai i le Pepa Faaopoopo o Galuega.
Tulai mai le Taitaifono o le Komiti.

Afioga LEAANA RONNIE POSINI: Lau Afioga i le Fofoga Fetalai ou te faatu le faasaoga i le fuaiupu 61 e faapea:

“FAASAOGA:

Fuaiupu 61

Ina ia suia le fuaiupu 12(5) i le fuaiupu 12(3) i le tuanai ai o upu “faatapulaaina o le” a o lumanai ai upu “e ao i le Komesina o Leoleo” ina ia faitauina ai le fuaiupu 61 e faapea:

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Maliu 2016
– iloiloga auiliili**

61. E fesoasoani leoleo i suesuega a le tagata e suesueina mafuaaga lilo o maliu ma isi tulaga faapena.
– E aunoa ma le faatapulaaina o le fuaiupu 12(3), e ao i le Komesina o Leoleo ona logoina leoleo e fesoasoani i suesuega a le tagata e sailiilia mafuaaga lilo o maliu, sailiiliga ma suesuega e faia i lalo o lenei Tulafono.ö

Ma le faaaloalo.

Faamaonia le Faasaoga.

Faamaonia le Fuaiupu 61 e pei ona Faasaoina.

FUAIUPU 62: E tuuina atu e le Matagaluega lagolago tau pulega.

Faamaonia.

FUAIUPU 63: E mafai e le tagata e suesueina mafuaaga lilo o maliu ona tapa le faia o suesuega, ma isi tulaga faapena.

Faamaonia.

FUAIUPU 64: E mafai e le tagata e suesueina mafuaaga lilo o maliu ona faasee atu le tino maliu e faia i ai suesuega a nisi pulega tau suesuega.

Faamaonia.

FUAIUPU 65: E mafai e le tagata o lo o suesueina mafuaaga lilo o maliu, e ala i se faasilasilaga tusitusia ona tapa le tagata e tuuina atu faamatalaga, ma isi.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Maliu 2016
– iloiloga auiliili**

FUAIUPU 66: Mafuaaga mo le teena o le tausisia o le faasilasilaga tusitusia.

Faamaonia.

FUAIUPU 67: Tusi faapoloaiga mo le mauaina mai o faamatalaga ma isi.

Faamaonia.

FUAIUPU 68: Ulufale atu ma faia sailiiliga i lalo o tusi faapoloaiga o lo o i le fuaiupu 67.

Faamaonia.

FUAIUPU 69: Tiute tauave a o faataunuaina se tusi faapoloaiga i lalo o le fuaiupu 67.

Faamaonia.

FUAIUPU 70: O mafuaaga mo le taofia ai o se mea ua suesueina e ala i se tusi faapoloaiga.

Faamaonia.

FUAIUPU 71: Iloiloga o le faalēaogāina o le talosaga i lalo o le fuaiupu 66(2).

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Maliu 2016
– iloiloga auiliili**

FUAIUPU 72: O tapulaa i le faaaogāina o faamatalaga, ma isi, ua tuuina atu po o ua faia e tusa ai ma le fuaiupu 65 po o le 67.

Faamaonia.

FUAIUPU 73: Tusi faapoloaiga mo le aveeseina o le tino maliu.

Faamaonia.

FUAIUPU 74: Ulufale atu ma faia suesuega i lalo o tusi faapoloaiga o lo o taua i le fuaiupu 73.

Faamaonia.

FUAIUPU 75: Ia tuuina atu se tusi faapoloaiga e pei ona i ai i lalo o le fuaiupu 73.

Faamaonia.

FUAIUPU 76: Malosiaga e faoa faamalosi ai faamatalaga molimau e talafeagai i taotoga e suesueina ai mafuaaga lilo o maliu.

Faamaonia.

FUAIUPU 77: Soligatulafono.

Faamaonia.

FUAIUPU 78: E mafai ona faia suesuega i mafuaaga lilo o se maliu i Aso Sa.

Faamaonia.

20 TESEMA 2016

**Tulafono Tau Faaofi o Tagata e Suesueina Mafuaaga Lilo o Malu 2016
– iloiloga auiliili**

FUAIUPU 79: Totogifuapauina ma alauni.

Faamaonia.

FUAIUPU 80: Tuusaunoaga mai noataga tau le tagata lava ia.

Faamaonia.

FUAIUPU 81: Faamatalaga o faatinoga.

Faamaonia.

FUAIUPU 82: Suesuega e aafia ai mu.

Faamaonia.

FUAIUPU 83: Sui o vaega-au asiasi mai.

Faamaonia.

FUAIUPU 84: O tagata taualoa faava o malo.

Faamaonia.

FUAIUPU 85: Pepa faatumu faamaonia.

Faamaonia.

20 TESEMA 2016**Tulafono Tau Faaofi o Tagata e Suesueina Mafuaaga Lilo o Malii 2016
– iloiloga auiliili**

FUAIUPU 86: O faamalamalama e faia e le Loia Sili po o Leoleo e fesoasoani i saililiga po o suesuega.

Faamaonia.

FUAIUPU 87: Tulafono Faatonutonu.

Faamaonia.

FUAIUPU 88: Soloia ma aiaiga tau soloaiga.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Tulafono o Tagata e Suesueina Mafuaaga Lilo o Malii 2016.

Faamaonia.

Na faagasolo le Tulafono Tau Faaofi o Tagata e Suesueina Mafuaaga Lilo o Malii 2016 faatasi ma le Faasaoga.

TULAFONO TAU FAAOFI O TEUTEUGA O LE TULAFONO O FONO A NUU 2016 - iloiloga auiliili

FOFOGA FETALAI: E tusa ai ma le Tulafono Tumau 107, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o le Vaega tau le Va Fealoai.

Afioga LEAANA RONNIE POSINI: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le Lipoti a le Komiti o lo o tuuina atu ai ana fautuaga, Ina ia faagasolo le Tulafono Tau Faaofi o Teuteuga o le Tulafono o Fono a NuU 2016 faatasi ma Teuteuga.*

20 TESEMA 2016

Tulafono Tau Faaofi o Tulafono Tau Faaofi o Teuteuga o le Tulafono o Fono a Nuu 2016 - iloiloga auiliili

Faaluaina e le sui usufono mo Falealili Sasae ma le sui usufono mo Falealili Sisifo.

FOFOGA FETALAI: Ou te faasilasila atu ua faamaonia nei e le Fono Aoao le Lipoti a le Komiti o le Vaega tau le Va Fealoai i le Tulafono Tau Faaofi o Teuteuga o le Tulafono o Fono a Nuu 2016.

O le a sagai atu loa le Fono Aoao i le Iloiloga Auiliili o le Tulafono Tau Faaofi o Teuteuga o le Tulafono o Fono a Nuu 2016.

E tusa ai ma le Tulafono Tumau e amata le Iloiloga Auiliili o le Tulafono Tau Faaofi i le Fuaiupu 2.

FUAIUPU 2: Ua teuteuina le fuaiupu 2.

FOFOGA FETALAI: O lo o i ai le Teuteuga a le Komiti i le Fuaiupu 2 e pei ona faaalua i le Pepa Faaopopo o Galuega.

Tulai mai le Afioga i le Taitaifono o le Komiti o le Vaega tau le Va Fealoai.

Afioga LEAANA RONNIE POSINI: Lau Afioga i le Fofoga Fetalai ou te faatu le Teuteuga i le Fuaiupu 2 e faapea:

“TEUTEUGA:

Ia faaofi i le parakalafa (b) faamatalaga fou e faapea:

(a) **“faatula’i”** o lona uiga ua faasaina se tagata solitulafono mai le aafia i mataupu faalenuu ma ua faateaina mai le nuu, ia le toe vaaia i totonu o le nuu seia oo ina faia o se faaiuga a le fonu a le nuu e toe foi ane ai ai.

(b) **“faate’a”** o lona uiga ua faasaina se tagata solitulafono mai le aafia i mataupu faale-nuu peitai e i ai pea lona aia tatau e nofo ai i lona aiga i totonu o le nuu.ö

Faamaonia le Teuteuga.

Faamaonia le Fuaiupu 2 e pei ona Teuteuina.

FUAIUPU 3: Faaofiina o le fuaiupu 2A fou.

FOFOGA FETALAI: O lo o i ai le Teuteuga a le Komiti i le Fuaiupu 3 e pei ona faaalua i le Pepa Faaopopo o Galuega.

Tulai mai lau Afioga i le Taitaifono o le Komiti.

20 TESEMA 2016**Tulafono Tau Faaofi o Tulafono Tau Faaofi o Teuteuga o le Tulafono o Fono a Nu'u 2016 - iloiloga auiliili**

Afioga LEAANA RONNIE POSINI: Lau Afioga i le Fofoga Fetalai ou te faatu le Teuteuga i le fuaiupu 3 e faapea:

“TEUTEUGA:

I totonu o le fuaiupu 2A fou i le parakalafa (d), i le tuanai ai o upu “aofia i le”, ia faaofi upu “faatulaieseina po o le;”

Faamaonia le Teuteuga.

Faamaonia le Fuaiupu 3 e pei ona Teuteuina.

FUAIUPU 4: Ua suia le fuaiupu 4.

FOFOGA FETALAI: O lo o i ai le Teuteuga a le Komiti i le Fuaiupu 4 e pei ona faaalua i le Pepa Faaopoopo o Galuega. Tulai mai lau Afioga i le Taitaifono o le Komiti.

Afioga LEAANA RONNIE POSINI: Lau Afioga i le Fofoga Fetalai ou te faatu le Teuteuga i le Fuaiupu 4 e faapea:

“TEUTEUGA:

Ia aveese le faafuaiupu 4(3).”

Faamaonia le Teuteuga.

Faamaonia le Fuaiupu 4 e pei ona Teuteuina.

FUAIUPU 5: Ua teuteuina le fuaiupu 5.

Faamaonia.

FUAIUPU 6: Ua faaofiina fuaiupu 5A fou e oo i le 5F.

20 TESEMA 2016

Tulafono Tau Faaofi o Tulafono Tau Faaofi o Teuteuga o le Tulafono o Fono a Nu'u 2016 - iloiloga auiliili

FOFOGA FETALAI: O lo o i ai le Teuteuga a le Komiti i le fuaiupu 6 e pei ona faaalai i le Pepa Faaopoopo o Galuega.

Tulai mai le Afioga i le Taitaifono o le Komiti.

Afioga LEAANA RONNIE POSINI: Lau Afioga i le Fofoga Fetalai ou te faatu le Teuteuga i le fuaiupu 6 e faapea:

“TEUTEUGA:

- (a) *i le parakalafa (c), ia suia le numera “4” i le numera “5”;*
- (b) *i le tuanai ai o le parakalafa c(iv), ia faaofi le parakalafa “(v)” Matagaluega o Leoleo”;*

Faamaonia.

Faamaonia le Fuaiupu 6 e pei ona Teuteuina.

FUAIUPU 7: Ua teuteuina le fuaiupu 6.

FOFOGA FETALAI: O lo o i ai le Teuteuga a le Komiti i le fuaiupu 7 e pei ona faaalai i le Pepa Faaopoopo o Galuega.

Tulai mai le Afioga i le Taitaifono o le Komiti.

Afioga LEAANA RONNIE POSINI: Lau Afioga i le Fofoga Fetalai ou te faatu le teuteuga i le fuaiupu 7 e faapea:

“TEUTEUGA:

- (a) *I le parakalafa laitiiti (aa) o le faafuaiupu (1), i le tuanai ai o upu “poloiaia ai le”, ia faaofi upu “faatulaieseina” ma*
- (b) *I le faafuaiupu (7), ia faaofi upu “faatulai pe” i le tuanai ai o upu “poloiaiga e”;*

Faamaonia le Fuaiupu 7.

Faamaonia le Fuaiupu 7 e pei ona Teuteuina.

20 TESEMA 2016**Tulafono Tau Faaofi o Tulafono Tau Faaofi o Teuteuga o le Tulafono o Fono a Nuu 2016 - iloiloga auiliili****FUAIUPU 8: Ua suia le fuaiupu 9.***Faamaonia.***FUAIUPU 9: Ua faaofi le fuaiupu 12 fou.***Faamaonia.***FUAIUPU 10: Teuteuga faatupulaia ma aiaiga tau soloaiga.***Faamaonia.***FUAIUPU 1 MA LE IGOA:****FUAIUPU 1: Igoa puupuu ma le amataga.****IGOA: Teuteuga o le Tulafono o Fono a Nuu 2016.***Faamaonia.**Na faagasolo le Tulafono Tau Faaofi o Teuteuga o le Tulafono o Fono a Nuu 2016 faatasi ma Teuteuga.*

FOFOGA FETALAI: Ia, malo faafetai i le paia o le Palemene, o lea ua tatou toai taunuu i le siui o galuega o lenei aso, malo faafetai. E i ai le manatu so o se mea lava tatou te galulue faatasi, e faapena ona vave maea i o outou aao ma o tatou lima, a o le mea sili ua faatino le tele o galuega ae a le tapuaiga a Samoa. Ou te faamalulu atu foi i le paia o le Palemene, o le a se finagalo e pei ona faaalua, ua faapena ona teena se lagona o le Fofoga Fetalai, ia o uiga lava o le tatou galuega e faapena ona tatou saili, a o le mea sili ia tatou maua le nofo fealofani ma sologa lelei le tatou galuega ina ia faapena foi ona maea ma tatou toai taunuu e pei ona i ai lenei taimi. Ae tatou te le i tolopo, ou te tapa lau Afioga i le Sui Palemia mo se lafo ma sou finagalo e faaiu ai le tatou fonotaga.

LAFO MO LE TOLOPOINA MA LE SAUNOAGA A LE SUI PALEMIA

Afioga Hon FIAME NAOMI MATAAFA (Sui Palemia): Lau Afioga i le Fofoga Fetalai ma le paia o le Palemene, ae ou te le i faatuina le lafo mo le tolopoina ou te manatu e ao lava ona fai sina upu puupuu e faailo ai foi le faaiuga o le faigamalaga a le Palemene mo lenei tausaga. Ma o lau Afioga i le Fofoga Fetalai ua avea lava lau Afioga ma o tatou taitai i le Maota e faatonufulau le faigamalaga a le Maota Fono i lenei tausaga aemaise lava o le Paeaiga fou lenei o le tatou Paeaiga ina ua maea le faiga palota i le masina o Mati i le tausaga nei. Ma e lagona ai lava le agaga o le faafetai i le faatumauina pea o le alofa ma le agalelei o le Atua ua taitaiina mai lo outou soifua ma lo tatou ola galue i lenei aso mulimuli o tatou galuega o le 2016. E ao lava ona faapine la matou faafetai ma le faamalo i lau Afioga i le Fofoga Fetalai i lou toe valaauina foi i le tofiga o le Fofoga Fetalai, ou te manatu ua avea lea ma faamalosia i lenei Paeaiga fou i le faatulai mai o le tatou Faigamalo, aemaise o le nofoia o le Palemene o Samoa e sui usufono mamalu, ua aumai lava e lau Afioga lau taitaiga i le malamalama i ala o le Tulafono e faapea ona taitaia ai le tatou galuega, ma ou te manatu o se faamamaavega lea i le tatou faamoemoe aemaise o le atinae o le atunuu ua i o outou aao ma o tatou lima. O le faafetai i lau Afioga faapea foi le lagolago a le Failautusi o le Fono ma le mamalu o alii ma tamaitai o le aufaigaluega a le Fono i le tautua i so o se itu ina ia faapea ona mafai ona faatino le galuega a le Palemene.

Le mamalu e o sui usufono o lenei itu i le Pulega, i le Afioga i le Palemia ua etulai atu ona o nisi o tuatuagia le maalofia faa-taitai ma le mamalu o le Kapeneta aemaise Afioga i Minisita Lagolago faapena foi le afifio papaaao o lena Itu o le Maota i le mamalu o sui usufono aemaise o Taitaifono ma sui usufono o Komiti o Palemene. Faamalo le usufono, ma ua matauina foi e ui ina fou le Paeaiga ma o lea ua faaiuu le tatou tausaga muamua, a ua matauina i a tatou Pepa o Galuega le siisiitia pea o le auaunaga o lo o faatino e le mamalu o Taitaifono ma a tatou Komiti e pei foi ona tatou tagofia ai nisi o mataupu i lenei taeao. Faamalo le galulue, faamalo le usufono. Ua tatou faatasi foi lau Afioga i le Fofoga Fetalai ma le vasega o Ofisa Sili o Pulega ma sui o Matagaluega eseese ua faapena ona tautuaina e lima ma vae ina ia faatino faiga faavae a le tatou Malo ma faaiuga fai e tauala atu i le pulega faa-Palemene.

Ou te manatu lau Afioga i le Fofoga Fetalai e le faamatafauloaina sa matou faamatalaga, ua matou maua foi i lenei taeao ina ua maea le tatou Sauniga o le Fono Tatalo sa faapea foi ona e saunoa ma faafetaia le atunuu i ona tulaga faalupe e tusa ai ma lana tapuaiga i le galuega a le Palemene, ma e faapena foi so matou taofi, matou te piiama atu i le saunoaga na e saunoa i ai i lenei taeao aua le tapuaiga a Samoa i ona itu e fia.

Ia ona faaii atu ai lea o sa matou faamatalaga lau Afioga i le Fofoga Fetalai, le paia e o le Palemene i sui usufono ma le mamalu o le aufaigaluega ma le atunuu o lo o tapuai faafogafoga mai i lenei aso, e momoli atu ai moomooga alofa o le tatou Malo aemaise foi o sui usufono o le Palemene.

20 TESEMA 2016

Lafo mo le Tolopoina ma le Saunoaga a le Sui Palemia

Ia tatou aulia i le manuia le faamanatuina o le soifua mai o le tatou Mesia ma faapena ona tatou momoli atu i le lagi e mama ma le soifua lelei le atunuu i le tausaga fou o le 2017.

Ma o lea lau Afioga i le Fofoga Fetalai ou te faatu le lafo, *Ina ia tolopoina nei Taulumaga a le Fono Aoa seia aulia le Aso Lua, 24 Ianuari 2017 e tusa ai ma le Polokalame o Fonotaga a le Palemene.*

Faafetai.

Faaluaina e le Minisita mo Faatoaga ma Faigafaiva, Minisita mo Fesootaiga, Faamatalaga ma Fesootaiga Vavave Faaneionapo, ma le Minisita mo Pisinisi, Alamanuia ma Leipa.

FOFOGA FETALAI: Faafetai. Ua malele le Afioga i le Sui Palemia ma ua faapena ona saunoa aua lo tatou toai taunuu ai i le siui o galuega o lenei tausaga, e le gata o galuega a o fonotaga a le Palemene. Ma ua malele foi le Sui Palemia e faatu le lafo ina ia tatou tolopo seia aulia le Aso Lua, 24 Ianuari 2017. E i ai le manatu o se taimi ona tuuina atu lea o le fesili, ae le mama i le Fofoga Fetalai le saunoaga ma le lupe faalele a le Afioga i le Sui Palemia. E ui lava ona o lea ua toesea le Afioga i le Palemia ona o nisi o tuatuaagia le maalofoia, ae i ai le manatu ua alu foi lenei aso o vavao se lagona o le Fofoga Fetalai, e lelei ona faapea, ia lafo atu ia i le aumatutua o le tatou Palemene ina ia saunoa ma talifuaitau se tasi o sui usufono mamalu e tusa ai ma le lupe faalele ma le saunoaga a le Afioga i le Tamaitai Sui Palemia o le Palemene.

Tofa PAU SEFO TAUMATA PAU (Faasaleleaga Nu. 2): Faafetai i lau Afioga i le Fofoga Fetalai, o lea ua i le Maota le saunoaga a le Afioga i le Sui Palemia. Ona ou manatu ai lea ona o lo o faafofoga le tapuaiga a Samoa, ma e le alu loa le sa o le tamaloa mai Salafai. O le saunoaga foi a le Afioga i le Sui Palemia, o le itu lenei o le Malo ae se i ou saili ane i lea itu o le Maota, ou te iloa e augatata, e le umi lava pe le atoa se futu, ae aumaia se tou faamanuiaga. Na pau lava lea o lau lauga, masalo ona ou alu atu ai lava lea ma ou alu atu. Faafetai.

Tofa ILI SETEFANO TAATEO TAFILI (Aana Alofi Nu. 2): Ou te tulai atu ma le agaga faaloalo lau Afioga i le Fofoga Fetalai, ina ne i maitau mai ua nofoai o matou tagata, a o lea sa ou taofiofi mamau lava i le saunoaga a lau Afioga e tuu i le au tino matutua, o le ala foi lea sa matou nofoai ai, ona e faigata e fesili lava mulimai ia muamai, a o lea ua maitau atu ua muamua i luga i matou nei. Ona matou manatu lea, ia Salafai ia e le faigofie ona o lena ua e laga faatau aua le aso. Ona matou manatu lea, e ui lava sa matou manatu tele i le ao sinasina o le tatou itu faaupufai, a o lena ua e fetalai. Ia manuia le lauga pe afai e tasi moemoe i lau faautaga.

20 TESEMA 2016

LAUGA TALIFUAITAU

Tofa PAU SEFO TAUMATA PAU: Faafetai Leulumoega. Ia, o Fuifatu lava ma Maauga e tasi, o upu tautino ma ua uma ona faataotooto, e te gautaaala ae ou gataiala. O le mea la lea faafetai mo lau faamanuiaga.

O lea ua i luga nei o mauga o le atunuu le saunoaga matagofie a le Afioga i le Sui Palemia, ua leai foi la se vaieli o toe avanoa ua uma ona oo i ai ma malele i ai le Afioga i le Sui Palemia. Ma ua faafofoga le tapuaiga a Samoa, e ao foi ona avatu se leo o lea itu o le Maota. Faamalo faafetai i le Palemia, le Sui Palemia ma le vasega o le Kapeneta i Minisita aemaise foi Minisita Lagolago e tusa ai ma le galuega faaaauu mai lea Paeaiga i le Paeaiga lenei 16 a le Palemene. Faafetai mo le galuega soosoo, o galuega faaaauu ma galuega fou lena ua i outou aao. Ave le mua i le Atua aua tatou te tutumau pea i le Atua ma fesoasoani mai i o tatou mafaufauga vaivai. I le tou faatinoina o galuega i lenei uluai tausaga o lenei Paeaiga, ua faamalo galulue. Faamalo le tausinio i mea lelei aua le atiaaina o le tatou Malo i lenei vaitau ma ona puapuaga. E le alu loa la pe umi se faamatalaga a le tamaloa mai Salafai aua ou te talitonu foi ua umi le aso. Faafetai foi i lau Afioga i le Fofoga Fetalai e pei ona e toe tulai mai e avea oe e faatautaia le Maota, ia faamalo fai o le faiva. Sui usufono mamalu uma o le Palemene, faamalo le taupati i fonotaga e ui lava ina tolu fonotaga o lenei tausaga, ia o i ina e iloa ai le taulamua o le Malo, ave le avanoa aua le atinaaina o le atunuu. Ia Samoa ma lau tapuaiga, i Tama ma Aiga o Aiga ma latou Tama, Tumua ma Pule, Ituau ma Alataua, Aiga i le Tai ma le Vaa o Fonoti, e faapea foi o tatou uso i sasae, Sua ma le Vaifanua, Fofu ma Aitulagi, Saole ma Saleaamua, Faatui ma Tootoo o le Faleula, faamalo. E pei lava na o Samoa lea o lo o taoto i le moa o le Maota.

Ona faapea lea, e muliai ni upu, ia faamanuia le Atua i le Palemene o Samoa i le Afioga i le Palemia seia oo mai i lenei itu o le Maota, ia maua se kerisimasi fiafia ma se tausaga fou manuia. Soifua ma ia manuia.

FOFOGA FETALAI: Malo fetalai Safotulafai, ia o le tootoo lava lea o Fuifatu aua le paia o Leilua ma le Toalima faapea foi Sa Alaalatoa ma alo o Malietoa ma upu ia Tuilagi ma Namulauulu faapea foi oe le Pule. Ia tatou tiu ia i le latasi e tusa o lau fetalaiga e fai ma so tatou sao ia manuvao aua le tulaga o le lupe faalele ma le saunoaga faaiu a le Afioga i le Sui Palemia, o le tatou lauga lena ma le tatou faafetai e le gata i le Palemia ma le Sui Palemia ae a le Kapeneta, aemaise foi o le tapuaiga a le Palemene, o lea ua oo lava i ai lau fetalaiga. Ona ou faapea lea, tatou ave lena i uta. Malo faafetai..

Na faamaonia le lafo.

Na tolopo Taulumaga a le Fono Aoao i le itula e 11:00 i le taeao seia aulia le itula e 9:00 i le taeao o le Aso Lua, 24 Ianuari 2017 e tusa ai ma le Polokalame o Fonotaga a le Palemene 2016/2017.